

TARDE – PISTOIESE = 0 a 0 ...HA SCIUTE 'A VARCHÉ A MMAREEEEEEE!

L'ha mann't Aldo "Diecipalazzine"

domenica 13 gennaio 2008

Ultimo aggiornamento giovedì 17 gennaio 2008

Uagnù, cè casiìineeee, quidde sparpaggiùle d’u giudéce sportive ha achiùse ‘a curva nord e l’abbonâte s’honne ‘ngazzàte. Allòre ‘u Presedènde - Direttore Sportive - Addetto Stampa - Magazzinière – Massaggiatòre -, chiàngia chiàngie e peducchiùse ca tenime ha fatte scè quidde d’a cùrve in gradinata e quidde d’a curve in tribùne. S’azàte e ha ditte: “Tutte chidde ca stònne a pòppe cu vònne a prùre,

chidde ca stònne a prùre cu vònne a pòppe,

chidde ca stònne sùse cu vònne sòtte

chidde ca stònne sòtte cu vònne sùse.

Chidde ca nò tènene niènde da fà a qquà, cu vònne a ddà

e chidde ca nò tènene nieènde da fà a ddà, cu vènene a qquà.

Passanne tutte p’u stèsse purtùse

facimme l’ammuine”

Ce chiànte a Tàrde, ‘nge vòle ‘na màmmè calàvrése, le sciucatùre ca se ne vònne scè tutte quànte. . CUTOLO c’ha mangiàte ‘nu gol fàtte, l’allenatòre ca nò capisce niènde…ce cchiànteeeee! Menumàle ca jè ‘na bèlla sciurnàte de primavère., de primavère sine, 16 grade, l’aria dòce e l’addòre d’u màre fa ca stàmme a ZanZibàrrrr…